

Ufficio Stampa della Provincia autonoma di Trento
Piazza Dante 15, 38122 Trento
Tel. 0461 494614 - Fax 0461 494615
uff.stampa@provincia.tn.it

COMUNICATO n. 3382 del 05/12/2023

Traduzione in mòcheno

Konkurs ver amministrativ/zeiler mitòrbeter: de vrong vour zamitto va de 22 van schantònderer 2023

S geat envire der plan za nemmen au u'stelltn va de autonome Provinz va Trea't ver za vernaier de amministrativ maschi' no de vil lait as en pension gòngen sai' en de leistn jarder. S hòt zait finz zamitto va de 22 van schantònderer 2023 ver za nemmen toal en òllgamao'konkurs, ver esami, ver za nemmen au ver volla zait ont ver òlbe va zeichen lait abia amministrativ/zeiler mitòrbeter, kategori C, grunt tritt, 1[^] verdea'plòtz en oa'zege plòtz van provinzal u'stelltn. Der bando, pet sèll as men vrok ver za nemmen toal, de vorm za stelln vour de vrog, der esamprogramm ont de vorm abia as kemmen gamòcht de probe, ist kemmen gadrukt as de sait va de autonome Provinz va Trea't as de sezion konkursn.

Van schanmikeal 2022 finz hait sai' augatu' kemmen òcht konkurs bandi ver de doin schòrt u'stelltn: regiarer as ingeniari ist, zunthait-umbèlt-techniker mitòrbeter, funzionar lònt/umbèlt/forestal, statistiker informatiker mitòrbeter, regiarer adrèss birtschòft/finanz ont regiarer amministrativ/organizzativ, regiarer chimiker ont regiarer sozial-hèlver ont iaz ist kemmen augatu' an nain bando ver za nemmen au mitòrbeter ver amministrativ/zeiler. Van u'vòngen va haier finz hait sai' auganòmmen kemmen 336 u'stelltn pet a mittlèlt va 37,48 jor.

Mearer nochrichtn meing kemmen pfrok en:
Autonome Provinz va Trea't - U'stellndinst
Omt ver de konkursn ont ver za nemmen au
Tel. 0461/496330

Der gònze tèckst van konkurs bando pet de dinger as pfrok kemmen ist kemmen gadrukt asn Uffizialet Bollettin va de Region Trentin-Südtirol ont men mut en vinnen as de sait:
http://www.concorsi.provincia.tn.it/concorsi_indeterminato/-Nuovi/pagina548.html .

Informativ reklam "Bòcks ber zòmm"

<https://www.youtube.com/watch?v=nQUyJdK7n1o&t=30s>

Download <https://bit.ly/3GhN0R5>

Ibersetz gamòcht van Sprochtirl va de Tolgamao'schòft Hoa Valzegu' ont Bersntol

(cdt)